

Technical and Bibliographic Notes/Notes techniques et bibliographiques


The Institute has attempted to obtain the best original copy available for filming. Features of this copy which may be bibliographically unique, which may alter any of the images in the reproduction, or which may significantly change the usual method of filming, are checked below.

L'Institut a microfilmé le meilleur exemplaire qu'il lui a été possible de se procurer. Les détails de cet exemplaire qui sont peut-être uniques du point de vue bibliographique, qui peuvent modifier une image reproduite, ou qui peuvent exiger une modification dans la méthode normale de filmage sont indiqués ci-dessous.

- |  |  |
|--|--|
| <input checked="" type="checkbox"/> Coloured covers/<br>Couverture de couleur  | <input type="checkbox"/> Coloured pages/<br>Pages de couleur   |
| <input type="checkbox"/> Covers damaged/<br>Couverture endommagée  | <input checked="" type="checkbox"/> Pages damaged/<br>Pages endommagées  |
| <input type="checkbox"/> Covers restored and/or laminated/<br>Couverture restaurée et/ou pelliculée  | <input type="checkbox"/> Pages restored and/or laminated/<br>Pages restaurées et/ou pelliculées  |
| <input type="checkbox"/> Cover title missing/<br>Le titre de couverture manque   | <input checked="" type="checkbox"/> Pages discoloured, stained or foxed/<br>Pages décolorées, tachetées ou piquées   |
| <input type="checkbox"/> Coloured maps/<br>Cartes géographiques en couleur   | <input type="checkbox"/> Pages detached/<br>Pages détachées  |
| <input type="checkbox"/> Coloured ink (i.e. other than blue or black)/<br>Encre de couleur (i.e. autre que bleue ou noire)   | <input checked="" type="checkbox"/> Showthrough/<br>Transparence   |
| <input type="checkbox"/> Coloured plates and/or illustrations/<br>Planches et/ou illustrations en couleur  | <input type="checkbox"/> Quality of print varies/<br>Qualité inégale de l'impression   |
| <input type="checkbox"/> Bound with other material/<br>Relié avec d'autres documents   | <input type="checkbox"/> Includes supplementary material/<br>Comprend du matériel supplémentaire   |
| <input type="checkbox"/> Tight binding may cause shadows or distortion<br>along interior margin/<br>La reliure serrée peut causer de l'ombre ou de la<br>distorsion le long de la marge intérieure   | <input type="checkbox"/> Only edition available/<br>Seule édition disponible   |
| <input type="checkbox"/> Blank leaves added during restoration may<br>appear within the text. Whenever possible, these<br>have been omitted from filming/<br>Il se peut que certaines pages blanches ajoutées<br>lors d'une restauration apparaissent dans le texte,<br>mais, lorsque cela était possible, ces pages n'ont<br>pas été filmées. | <input type="checkbox"/> Pages wholly or partially obscured by errata<br>slips, tissues, etc., have been refilmed to<br>ensure the best possible image/<br>Les pages totalement ou partiellement<br>obscurcies par un feuillet d'errata, une pelure,<br>etc., ont été filmées à nouveau de façon à<br>obtenir la meilleure image possible. |
| <input type="checkbox"/> Additional comments:/<br>Commentaires supplémentaires:  |  |

This item is filmed at the reduction ratio checked below/  
Ce document est filmé au taux de réduction indiqué ci-dessous.

10X	14X	18X	22X	26X	30X
<input type="checkbox"/>	<input type="checkbox"/>	<input checked="" type="checkbox"/>	<input type="checkbox"/>	<input type="checkbox"/>	<input type="checkbox"/>
12X	16X	20X	24X	28X	32X



IONTATERIHONNIENNITAK8A

NE

KARISIIOSTON TEIEIASONTHA,

NE ROIATONSERISON ASENNISHETE KENHA,

OC

INSTRUCTION SUR LA FOI CATHOLIQUE,

PAR

M. H. GUEN, ANCIEN MISSIONNAIRE.

Skentiohk8at ok kentiohk8atokenti  
....enskat ok iontatenek8ahes-  
tha.—(*Symb. de Nicée.*)

---

TIOTIAKE = MONTREAL :

TEHORISTORABAKON JOHN LOVELL.

1870.

No. 5569

Bibliothèque  
DE  
VICTOR MORIN  
MONTREAL

# IONTATERIHONNIENNITAKSA

NE

KARISIIOSTON TEIEIASONTHA,

NE ROIATONSERISON A8ENNISHETE KENHA,

OC

# INSTRUCTION SUR LA FOI CATHOLIQUE,

PAR

M. H. GUEN, ANCIEN MISSIONNAIRE.

Skentiohk8at ok kentiohk8atokenti  
....enskat ok iontatenek8ahes-  
tha.—(Symb. de Nicée.)

---

TIOTIAKE = MONTREAL :

TEHORISTORABAKON JOHN LOVELL.

1870.

L.  
PM 1884. G9

10.10.45

Lorne Pierce

·Principales Verites de la Religion.

KONTIRISAK8ENIIOSON

NE

IONK8ARI8IIOSTAKON.

Satoken tsinahe tsi karonhiate tsi ionsentsiate oni ; iah-taontaerisaierite naiontonheke : ok sikaronhiate, ok siionsentsiate. Raonha ne Niio roronhison, raonsentsison oni ; aksa roseiennanehraksat, aseken iah othenon tehaonniaton. Sahennontonnionse, sarere : ionsentsiatek, karonhiatek ; ok sa ok iotonhon tsini honikonroten ; oksa saonsentsiatene, oksa sakaronhiatene.

Ok sironnhe ne Niio ; iah nonsenton ne iah tahanakereke, iah oni nonsenton tiiahatonnhokten. Raonhatsisa ranakerekse, oksestieren roronhison, raonsentsison oni, aseken iah othenon tatehotonsentsionine, iah othenon tehorisaiesaskse. Iah othenon tetiotkte tsini haiatoten ; raonikonra tihaiatontaksen ; aksa raonikonroskon, iahte haiatonte ; ok sironnhe ok tisaksekon raiatananon ; iah othenon tehoiatasens ; ok onen tsini haiatoten, ok oni onen tsini honikonroten ; iah nonsenton tiiaontteni, iahnonsenton tiiaontkarhatho raonikonhra, raonontonniontsera oni, tsini ionksaiatasens ne tionkse. Iah othenon tehonoronse, iah othenon tehonekerens ; aksekon tehakanere, aksekon raienteri, ne

oni sotsi ioterisaseton nonksanikonhrakon, iah taonton otheon ahonsarianensko.

Saiatat ok ne Niio; iah taonton eso nahatihake tsini hoiatanehraksat; raonhaa tsini haiatoten. Asen sane nihati ne raonhake, Roniha, Roienha, nok Rotkon Roiatatokenti, Asenseratokenti tesanatonksa. Niio Roniha, Niio Roienha, Niio oni Rotkon Roiatatokenti; iah sane asen Niio teken; aseken skanikonhtrat, skasennioserat oni tsi asen nihati, saiatat kati ne Niio. Nok tsi asennihati raonhake ne Niio; akxa satehonnas, satehatiatotens; aierisanerake aienrheke, senha rakošanasen ne Roniha; kenniraha onte ne Roienha. Iah etho teiot, satehonnas; ok sihononnhe ne Roniha, Roienha nok Rotkon Roiatatokenti, iahtekakonte oni enhononnheke.

Raonha ne Niio sakoiatison tsinikon iakonnhe nonsentsiake, niarekse thotierenton sakoiatison ratironhiakeronon. Aksekon ronatkonseriione; sahatirisanerake kati notiake, sahatinaiene, sahonnere: sateiaktsaiatoten onte ne Sonksaiatison.

Oksa ok sakoresaton ne Rasenniio, onsentsiakon iesakoiatontion, onsentsiakonronon ronatonhon; ronatkonsersaksen rongatinatonksa.

Onen tahnnon onkse sasakoiatisa, Aton nok Efa rongatitats; ne ietisotkenha. Raseron tsi sakoiatison: aiontatas kennha aionkienterihake, aionkenonsehake, aionkesennarakake oni tsinense eniakonnheke, nok aiontsennonni karonhiake tsi neniontonnhokten.

Ethone tonatasase rononsentsiakonronon ahonsatinikonhrotako nonkse, sahonsatinikonhrakarhatho ne ietisotkenha, sahonsasennonti ne Rasenniio, sahüienterhane ne karisarenen. Sasakoresate kati ne Rasenniio tsini horisisonhonhe,



sahenron: enseniheie, ensezariskon n'onatkonseraksen. Sekon sane sakotenron ne Rasenniiio tsini hotanitenraskon, sakorharatstenni katkeha ehennakerate ne Sesakoskontakoho, ne entharisaseronniane tsini honsakenrenseronion. Etho kati nitiasenhon tsi karisanerakserakon tesatiatatas, aseken ionkirisanerakserarhon ne ietisot kenha ne raotirisaneraksera; ne iorihonniaton ieronhiakens nonkse nonsentsiake, iahiheions nok otiake onsentsiakon iontetsiratha.

Kaieri nisenniasetserasen niioserake roniskohon ne Rasenniiio n'ahatatesennaierite. Etho kati nahe sakonnaonhatieskse ne ronsasennenhasakse ne Rotitokensehakse asakotirihotasiens nonkse tsini sakorharatstenni. Ethone kati kaieri nisenniasetserasen niioserake tsinahe ienakerekse nonkse, ethone onkse rotonhon ne tekeni ratonta raonhake Niiio, ne Niiio Roienha Iesos Keristos sahonsanatonkse onkse sahaton. Nok arekho onkse sihotonhon, Niiio Roienha ok ronsaiatskse. Iah kati onkse tehotonhon ne Niiio Roniha; iah oni onkse tehotonhon ne Niiio Rotkon Roiatatokenti; raonhaa ne Niiio Roienha onsentsiake ronakeraton kaiatakon Onsari ioiatatokenti.

Iah sane nonsenton teionaksaienterhahon tsi ioteseton; raonha ne asen ratonta raonhake Niiio, ne Rotkon Roiatatokenti ehni hoiatotenston tsini tesaiatoten ne tionkse. Iaset kati tekaisere tsini haiatoten Niiio Roienha; Niiio onkse oni; saiatat sane ne Niiio Roienha. Ok Niiio sihaiatoten, satoken nennehe tsinahe onkse nihaiatoten.

Ii onksarisa tsi onkse rotatonni; tesaksekon aionksatkaronnihon, tesaksekon aionksatetsiratonsentsiakon ne iah onkse tahotonhon; etho iaionksaiatenton ne rahotirisaneraksera ne ietisotkenha nok oni nii onksarisaneraksera okon. Asen ni ioserasen asen iasenre ronnhekse ne Iesos

onsentsiake. Tiotkon rotatiesaton, rotatatkenrenseronnihon; karonhiakenhon kaieshahon oni ratatiesataksen.

Iah onkse tahotonhon, iah tahoksenion asonksaronhiakense, aeken iahtaonton aharonhiaken tsi Niio nihaiatoten. Tsi kati onkse nihaiatoten, roronhiakenhon nok rasenheion tekaiasontne; nok tsi Niio nihaiatoten, roronhiakensera-noronston ne raoronhiakensera okon, iahtiaiehese tsini sonksatsennonniatenni. Raonha shotatonnheton, skennonkoga tethoiakenhon tsi ronsaiatatenhenne. Kaieri nisasantasen tsinahe shotonnheton, nok karonhiake ieshasenonton; etho kati nonsa ieshenteron; shonikonhraseronnihaties ne Roniha ne ronsanikonhraksatanions nonkse.

Oieri nonta tsinahe karonhiake ieshasenonton, ethonahe thonnhaon Rotkon Roiatatokenti asakotiennira raotioksatokenti; ne kati senniserate nonsa konsaiats asen nisentake, karonhiake thotsnenton Rotkon Roiatatokenti; rotiatontakonhatie asennason tsiniot otsire, sasakotienhase ne Iesos ratiksekonne, nok oni tsiniiakonha kenne n'ethone niakorisiioston skanonsatne iakotkennisonhonne.

Katkeha tsi nensesatonsentsiarionhe, sekon tentre ne Iesos Niio Roienha onsentsiake, tensakoiatorete aksekon nonkse; niare aksekon entsiontonnhete, enskatne eniontkennisa. Karo sane nonksati, ne onen sahontonnhokten, tsieiatatson tesakoiatoretonhatie ne Rasennio tsini iakoiere-nhatiene tsinahe tsi iakonnhekse; karonhiake sakoiatini-onta ne iakoianere; nok iah teiakoianere, iatekakonte sakesenteta onsentsiakon. Etho nenshaiere tsi nensatonsentsiokten, enshatnaneta, aksekon tensesonksaiatorete tsi onksene; ethone enharihotasi tsinikon iakorisaientahon onsentsiake ne oni ioterisatehatenion iakorisasetonne; aksekon nonkse eniakotokense.

Ethone kati ne tiakorisaieritonne nok ne tsiakotatresatonne, karonhiake iensakoiatenhase; etho iahtekakonte enhonsasennaienheke ne Rasennii, akša eniontsennonni kosa iahnonsenton othenon taonsaieronhiakenseke; iah ki taiontrori tsi nenionsesenhake.

Oia tahnnon neniakoiatasen ne iakonksetaksenne, ne iah teiakorisiistonne, otkonseraksen aorisa sonha iakotsteriston ienekakasta, ienaie, ienaksaiesen, iesennaksen, ienenskas, iakonaksentskon, teionteriatikhonnions tsini iakoiatasenseron, iontatenosas, iontatesennotas, teierisenhasitha, iakonikonres othenon iontatenikonbraksaton, iakoiatakenheion tsi iakorisiistoon, aksekon nennehe ensakotesentete ne Rasennii, ensakosenniioste otkonseraksen, enionriskon onsentiaakon; asteson eniontetsirate otsirake ne iah nonsenton tiiaonssa. Iah othenon tentsiakorhareke ostonha ok aiontorisen, iah tekakonte ki teniontonnhakariaseke.

Kaieri niiorisake iakoianerentstakon nonkse tsi iakorisiistoon; tokat enskat ok aontaioterihoktake, iahtekakonte eniakonnhese ne karonhiake: 1° Iakorisiistakon, 2° Iakorharekon, 3° Ronsanonsesta Nii. 4° Karisiio okon iakotsteristonhatie.

1o. Ne konsaiats iakorisiistakon, iakoianerentstakon ne akša tiakasetakon tokenske tkarisaieri tsini hasen ne Nii, nok tsini ionksarihonnienne ne Kentioksatokenti. Tokat skarisat ok aiontennosentake, tokat oni aiontehenseke onksene tsi iakorisiistoon, iahtekakonte eniakonnhese ne karonhiake.

2o. Iakorharekon konsaiats ne iakoianerentstakon akša iorisaniron iakorhare ienre enhakitenre ne Rasennii, karonhiake enkatsennonni nok oni tsini iakoiesas etho iaionse ne senha sonksentenrata ne Rasennii tsi hetsitesenni-

tentase tsini ionksaiesas karonhiake acetatsennonni. Tsiniorisake tesaterennaientaksa, ne senha karisanoron *ta-ksaienha* konsaiats; aksa raonha ne Iesos sonksarihonnenni, etho karisare orisaksekon karisiio okon tsi hetsitesennitentase ne Rasennio.

3o. Ne konsaiats ronsanonsesta Niio, iakoianerenstakon ne tsi iah othenon sateienonnes tsini honsonianones ne Niio, ne oni rorihonni iontatenonnes aksekon nonkse tsi n'akaonha niiontatenonnes. Ne aksa konsaiats ahonsanonsehake ne Niio, raonha ok tsi nahonsakonniestonhatie, karo othenon akenhake tsini hoteseiennison, kare oni n'akaonha tsini iontatenonnes; nok tsini iakonikonhrotenhatie karo nietsanis n'aiahiheie, senha ietsanis nahonsaennonni ne Rasennio.

Ne konsaiats iontatenonnes ontatekenson tsi akaonha niiontatenonnes aksa aionskanekseke etho naiontsennonni aksekon nonkse tsi akaonha niionskaneks, ienre akatsennonni; nok tokenske etho naiontatatsennonniatenniseke tsi akaonha niienre aionksatsennonniatenniseke. Aksekon nonkse ~~Desatatekenson~~; sahetho kaneka aionkissenseke, sekon sonksatenientense ne Niio etho naietinoronksake tsi nii nitesatatenoronksa.

4o. Kaieri satontha karisanoron iakoianerenstakon iakorisiioston ne n'aiontsteriste karisiio sonha. Kaiatonseraksennio kaiatonseratokenti ne aksa rosennotha Iesos Keristos, ne ionksarionniennis karisiio sonha tsi naieiere karonhiake aiontsennonni; nok oni oieri ni sonksatenientense ne Niio; nok oni tsiatak ionksatenientense ne Kentiokratokenti. Tsini iorisake karisiio sonha, ken kaien naksas ne senha rarianonnes ne Rasennio n'aiontatitenheke nontatekenson, akonsentenrheke nakotonnhetston nok

oni ne ieronke othenon iakoiesas, nok tosa aierisarako othenon iontatenikonhraksata.

Ne sekon ionksarionniennis kaiatonseratokenti Iesos ro-sennanotha aiontesentete ne iontonsesksatseraksensksa nok akonsaronhiakentake ne ieronke, aienrheke taonsakeri-saseraksate. Aiontakatstate othenon niiakoiatasenserons; aiontataskonha tosa nonsenton aiakoiatoronhake ne kari-saneren kanaksaiasatsera, aienikonhrarake tsini kanoron tsi iakorisiioston, nok aionteseiendon tsi ionterennaiens. Iah othenon sateiakokaronnis nonkse tsini iakokaronnis naieri-sanerake; tkariisaieri kati senha aietsaniseke naierisanerake, karo tsi naietsaniseke oia sonha iontkaronniatha.

Ne konsaiats karisaneren othenon iakonontonnionkon, iakotiaton, othenon niiakoieren Rasennio sonksatiasen-rati, tokat ne ionksatiasenrati ne kentioksatokenti, othenon oni iakonoronse ne ionkiiatenientense. Tsiatak nikariisa-nerakserake ne kariisanerakserakseniison; kanaiesera, ia-konihon, kanaksaiasatsera, kanosahon, iakahores, kanaksen-sera nok iakentorha.

Orisatokenti kosa konsaiats ne rorigison ne Iesos ne ro-tenientenstakon ne tsi sonksaianerensta nonksatonnhetston-ke nonksati. Tsiatak niirisake orisatokenti kosa: Ionta-teneksahesta, Iontakentsiokas, Okaristiia, Sesatateron-ksenni, Iontatiatokas ne teiakokonhentons, Iontaterihon-taksa ne ratihasens, nok Tesateranekenseratokenti.

Aksekon nonkse iakoterihonte naienrheke keneksahest, kasenniio enhonsaiaaioha ne ratsihenstatsi. Ken kati naieiere naienrheke akeneksaheste: Onen sahenekaseron onekanos enontsine, ethone tsi iakonekaserontonhatie aieri-hokten: *sakonneksaheste rasennakon Roniha nok Roien-ha nok Rotkon Roiatatoĕenti*, akonikonhrakon tahnon

aierheke, etho nakiere tsini kaierha ne Kentioksatokenti.

Ne kongaiats Kentioksatokenti rotioksison ne Rasennio, sakariŝat iakorisiostakon, Iesos Keristos raiatakŝenio, Arisaŝakon koŝa nok ratriŝaŝakonson roŝatikosanens onŝentsiake. Enŝkat ok ne Kentioksatokenti; iah taonton karonhiake aionŝennonni ne iah taieiatarake. Rotkon Roiatatokenti ratŝteristonhatie ne kentioksatokenti, ne aoriŝa teiontatŝeronniennis ne iakorisioston onŝentsiake iiens, nok akoiatatokentiŝon karonhiake iakotŝennonni, nok oni ne tieteron tŝi tetieŝeronniata. Ne ietitenrata othenon kariŝiio naboten niionkŝaierenhatie. Senha tanon iontatitenratha naontataŝenŝaŝe. Etho nikarihoten nene kongaiats teiontatŝeronniennis akoiatatokentiŝon, akŝekon ne iakorisioston ŝekon onŝentsiake iiens ŝakonennitentate na koiatatokentiŝon karonhiake iakotŝennonni, ienoronkŝa tŝi ieiataronniion akŝekon akotŝien okon kenha; iah tahnnon tehonŝatiŝenniiosta, aŝeken raonhaa ok ne Niio akŝa iatehaiati roŝaŝenniiosta.

Etho niiorisake kariŝakŝeniioŝon aontaiakŝetakonhake aierheke: akiatarake raotiokŝake ne Rasennio onŝentsiake, nok karonhiake akatŝennonni tŝi nenkatonnhokten.



# Reponses aux objections des Protestants.

OKSESATIERENKOSA

TSI IONKIRE8ATAK8A

NE

IAHTE TEHATIASONTHA.

Ioianere, ksaien okonha, aesesatokense tsini karihoten akxa iorisatsanit ionkiiennosentennis ne tiakorisaatenion karisiioston Protestans nahatiiatoten; iaset ionkiresataksa ionksarisiiostakon aorisake.

Tiotierenton ionton: ietisenniiosta ne rotiiatatokentison karonhiake iakotsennonni. Kanekere, ionton, raonhaa ne Nio rongasenniiosta. Etho nikarihoten sonksatenientense; nok sonksatiasenrati toki ok nahoten akenhake oia sonha akon8asenniiostake.

Iah kati tokenske teietisenniiosta nakoiatatokentison karonhiake nonga iakotsennonni; are ietinentonnions nok oni ietiiennitentase, iah tanon ostonha teietisenniiosta. Tsi-niiot otiake nonkse ne iakioianere, tiotkon iakoteseientonties tsi iakorisiiston, sekon sane iakonnhe, ietinatornksa; are ietinentonnions, ietiiatanotha, iah ostonha tetesere: ne iesennio tsi tionnhe, iah kati teietisenniiosta. Etho niiot

tsi ietoronkša nakoiatatokentison karonhiake iakotsennonni, iah ostonha teietisenniiosta. Okstensi kati ionkiiennosentennis Protestans tsi ne ionton.

Iah oni ostonha tekarisatē aietisenniiostake nakoiatatokentison n'onen ietiiennitentase, aseken tionksetakon raonhaa ok ne Niio, iatehaiati aksekon raksenies. Nok kaneka othenon ieksenies, aksekon raonhaa Niio raorisa. Iah kaneka' othenon taieksenieseke ne iah tahaiatarake ne Rasennii, iah tasakoienasaseheke.

Ken kati nikarihoten tsi ietiiennitentase akoiatatokentison karonhiake iakotsennonni. Ionksaterientare, ronatanitenraskon; ionksaterientare oni sakonoronkša ne Rasennii nok oni sakošennarakša, aseken iah othenon tehotiiaatoron. Ionehraksat tsini ioianere tsini hatiiatoten ne karonhiake; ne kati tsini honatanitenraskon ionkiiatontati n'onen ietiiennitentase ionkiiaterennaiennis Rasenniioke; ne kati tsini sakonoronkša tsi oni nisakononses ne Rasennii, sakošennarakša. Etho niiasens iasetosanen sonksentenranions ne Rasennii. Ronaterientare sane ne Protestans, iah oni tehontērisatekšas.

Are akša rononha rontroris, ronton: tokenske etho nihotirihotenne sahonnise ietini okonkenha rotirisiistonne: ronton, onen oieri tesenniasē niioerake toha sisk iasenniasēhetserote tsinahe tsi karisate ronsennentitentase, nok ronsatisennaiens akoiatatokentison okon kenha. Nahoten tanon ratitokatakša ethone aiakorisison tsi ronsatisennaiens nakoiatatokentison? Nahoten ratitokata ethone rotirisiistonne! iah othenon tehatitokatakša nene ionton. Ne ok ne roneron: aiaksarisahontē karisiio kosa, tkarisaieri kosa nok ionehrsat tsini ioterisatsennonniat, ne tsi ron-



satisennaiens nok tsi rongemennitentase akoiatatokentison okonkenha iakotsennonni nonsa karonhiake.

Ne sekon ionkiiennosentennis Protestans nahatiiatoten. Ne ionkiiennosentennita, ronton : ietisenniiosta nakoiatatokentison. Ne ietisenniiostaksa : ietisirisaientose ohaseratokenti.

Iah tokenske rononha teietirisaiantose ohaseratokenti. Raonhaa ok ne Niiio hetsitesarisaiantose ohaseratokenti ; ne tetsitesaaronksaniontha ok eken tsini sakotenranionskse nakoiatatokentison tsinahe ienakerekse nonsentsiake, nok tsini sakotenron sasakoiatiinionte karonhiake. Nok oni onen ohaseratokentike ietiiennitentase, itesere : aionkiiaterrennaienhase, aseken ne ionkiiatakennhata tsi itesere ionksarisiioston tsi ionkiiaterrennaiennis ; iah ostonha tetesere : ietisenniiosta ken.

Ne sekon ionkiiennosentennis Protestans : ronton tsini karihoten ratiiatatake akoiatatokentison, iaset isesere : ok tisaksekon ratiteron. Ohnahaiasen ahonatonteke ne iah ok tisaksekon tahatiterontake ? ne kati ronatonte othenon ronsennennitentase ; tokat ne isesere : iah othenon tehotinekerens, aksekon ronaterientare tsini ionksaiatasens.

Iah tetesere ok tisaksekon ratiteron nakoiatatokentison, iah oni tetesere : aksa tsi non nihatiteron, iah othenon tehotinekerens : itesere tahnon raonha sakotokatennis ne Rasenniiio othenon ronsennennitentase tsini sakotokatennihakse sahonnise ne Rotitokensehakse othenon niiasensere ; tokat oni ne sasakititokaten ratironhiakeronon ne ionkiiatsterista othenon ietiiennitentase, iah ne teken tsiniot rononha aksa ahonaterientarake ; raonhaa ok ne Niiio etho nihaiatoten, iah othenon tehonekerens, aksekon iah tehaiati raoriga othenon ratitokata ratironhiakeronon aksekon oni

nakoiatatokentison. Orisakon othenon rotirisatsenrion Protestans tsi ronnere: aiaksarisahntonte tsi ronsatinoronksa, tsi rongsatisennaiens/nok tsi ronsennennitentase akoiatatokentison okon kenha.

Sekon ne sakarisat ionkiiennosentennis n'eiatatake tsi ieiataronnion akoiatatokentison. Ronton: ietisenniiosta ne kaiatonserasonha.

Oiatsi sane niionksarihoten, aseken aksa Arisasakon koga ratisennaksekon rotitiokosanan ratirisasakonson sakonatiassenrati aksekon ne iakorisiistoston aienrheke, ostonha oni akenhake akaieronnihake raosenniiosera tsi ieiataronnion akoiatatokentison okonkenha, tokat aienrheke othenon akontiksenieseke ne kaiatonsera sonha tsi ieiataronnion akoiatatokentison, tokat ne aionksarharekonhake othenon aionkiiatsennonniatenniseke. Skarisat ok teganoronksata tsi ieiataronnion akoiatatokentison, tsi kaiatonseranoronson tsi ratiataronnion Niio rongsaseronniennis koga; ne oni tsi ionkiielaraksennis tsini ieiatotenne tsinahe iakorisiistostonne; ne oni tesatateretsiaronta aietinakeren. Ne ok iorihonnihon aksekon ononsatokentike ioiatonseratonnion ioiatonseratokentison nok oni tsi iakononsoton.

Etho oni niionksarihoten orisatake ne tsi teganoronksa akostien okon kenha iakorisiistostonne karonhihake nonga iakotsennonni. Iah tetesasenniiosta, iah oni ostonha tetesere othenon ononhaa akontiksenieseke; iah oni othenon tetesennitentase, ne ok teganoronksata tsi raonha ne Rasenniiio sakoronksa nakostien kenha, nok irere akonsatinoronksake. Ne sonksatokatennita tsi irere akonsatinoronksake akostien okon kenha, othenon niiasens iorisanehraksat nahoten, tsiniiot kaneka iehetkentsihon iakononsaktani nok saheiena akostien kenha akoiatatokentikenha, ok saok saion-

ton. Kennikarisesa iaset saharisanentakte ostientake rakseniesera, ne aorisä ehniiasens, tosa sane aienrheke: ostien ken sakakseni. Etho nihaseiennoten ne Rasenniio tsi sonksatokatennis tsini harisanonses akonsatinoronksake akostien kenha n'akoiatatokenti okon kenha.

Ken niiorihoten ne Kentioksatokenti: skennonkosa rariatonta ne Rasenniio onksarisnerahaksera okon; ne sonksentenrata tsini hotanitenraskon, nok tsini sonksatsennonniatennis Iesos Keristos Sonksasenniio.

Nok tiakoriatenion Protestans, ronton: ok eken rarhoks ne Rasenniio, irere iah taonsakerisarako, iah tanon teharisarisions.

Ne kati iakiresataksa; iaksaton: iah kati onka karonhiake taiontsennonni. Oh nahaiasen tsini hoiatatokenti ne Rasenniio ahanonschake nonksatonnhetston aiomotoronhake niotaksen iah nonsenton taonsonterisarisionhe.

Iah tatehatiiatoreta tsini kasennoten akssa kaiatonseraksenniio akssa kaiatonseratokenti; saton: akssa rariatonta ne Rasenniio karisaneren; ne karisatontakssa ne raoiane-renstakssa Rotkon Roiatatokenti, akssa ase onkse saonton.

Kennikarihoten ne ionksarionniennis ne Kentioksatokenti: ne aorisä kosa Niio raotanitenrasera tsi sakorharatsenni sakoien okonha iakorisioston, ensakotenre karonhiake aiontsennonni; ne ensakotenrate tsini sonksatsennonniatenni Iesos Keristos. Ne aorisä ne raorharatsera orisaksekon othenon karisiio aiakorisaientake, nok tsini iakotsennonniataton tsi ronsaseronniennihakse ne tsini honsanikonhrai-eriton; aksekon ensakotonraseron aksekon ensesakoieritseheke.

Are kati ne aorisake ionkirisassase Protestans: ronton: iah etho tekarihoten. Ronton: iah tokenske tiiaiehese

tsini sonksatsennonniatenni, ne oni nasakotenrate karonhi-ake tsi akaonha niakoteseientoutieskse.

Are ionkiiennosentennis, aseken tionksetakon orisaksek-  
kon ionksaianerenstakon ne sonksentenratha ne Rasennii  
tsini sonksatsennonniatenni Iesos Keristos; akseekon othe-  
non karisiio tsini ionksaierenhatie tionksetakon tiotkon ion-  
ksaiena8asehatie Nii raoianerenstaksa, ne sonksatsennon-  
niatenni Iesos Keristos, tiotkon kaiataratie Iesos raotsen-  
nonniatsera, iah othenon tetesaksenies karonhiake nonksati  
onkionhaa akenhake, iah tasonksatsennonniatenni Iesos  
naeteserheke ostonha aontaioterihoktake; aseken akxa ion-  
ksarisiioستakon tsi iah tiiiaiehese tsini sonksatsennonniaten-  
ni Iesos Keristos.

Ken nikarihoten ionksarionniennis ne Kentioksatokenti  
orisatake iontateneksahesta; akxa rotirisanimaton ratirisasa-  
konson okon ratisennaksekonhatie Arisagakon kosa kana-  
takon *Trente* konsanatonksa ronatkennisonhonne; ne ron-  
atkennisahatonne orisatake sonha ionksarisiioستakon okon.  
Ronton: karisatonta iontateneksahesta ne sonksarisaneh-  
rakserarhon Aton nok orisaksekon tsini iakorisaneren tsi-  
nahe onkse iakotonhon nok oni karisatonta orisaksekon  
tetsierisaseraksataksa.

Oia nikarihoten ne tsiontateronksennis; iah tiotkon te-  
karisatonta karonhiakensera sonha tetsierisaseraksata naho-  
ten, ne ok karisatonta tsi naiakoronhiakenhon n'oneshon  
n'onen tiakorisaieriton tsi akxa naieiere aienrheke ethonai-  
asen tsini hattokha kosa ne Rasennii, raseron aieronhia-  
kenseke nonsentsiake tokat tetieseronniata taonsaierisase-  
rako; ne kati tsi naietsaniseke taonsaierisaserako, ne iaset  
eniakciatanonstate tosa othenon aiakonikonhrotako; tosa  
aierisanerake.

Tsinahe tsi ionsentsiate tiotkon takarisatatie iontataterrennaiennis iakonnhe nok iakosentahon. Are ronsarisaien-tose ne Rasenniio ohaseratokenti, are saontatitentre ne ieiesas, ronsennita ne Rasenniio aharisatonte tsi naiakoronhiakenhon akaonha taonsaiakorissaseraksen.

Tsini sonksatsennonniatennis Iesos Keristos orisaksekon rarihonte Kentioksatokenti; raseron aonha aiakoiakonhase akoiенокonha; ne kati are iakotenratha tsini sonksatsennonniatenni Iesos Keristos; karisahtonta tsi naiakoronhiakenhonke onsentsiake tokat tsi tetieseronniata, akaonha taiakorissaseraksen. Takarisatatie tsinahe etho niirihotenthatie Kentioksatokenti.

**K**ennikarihoten ionkiiennis. Ne aorisa ronton Protestans: aontaioterihoktake tsini sonksatsennonniatenni Iesos Keristos tokenske iah takarisatontake ne nakaronhiakense-roten ne tetsierissaseraksata.

Ronton tsini karihoten tsiniot akaonha aieksenieseke taonsaierissaserako tsini iakorisaneren, ieksenies kasenniio enierisanentakte othenon teierissaseraksata tsinikon sonksatsennonniatennis Iesos, nok naonkienaasaseheke raoianerenstaksa.

Orisakon netho naionkiierase Protestans, aseken ionksari-siiostakon akxa tionksehtakon iah tiiiehehe tsini sonksatsennonniatennis Iesos Keristos.

Tsini karihotenson sonksarisisahani Iesos karisanoron oni; iah ne ok teken onteniententseratokenti ne aontenientenstakonhake Niiio raoianerenstaksa, tokat ok-eken aiorisaniratstakonhake, ne tanon raataratie Rotkon Roiata-tokenti tsi sonksasias, nok oni akxa ononha ionkiasias Niiio raoianerenstaksa, ne kontiksenies tsini hatatis ne ratsiens-

tatsi nok tsini haieranions ehneken nonksati, kasenniio ki iah n'akaonha taioiotatse ne jah taiakoianereke.

Kentioksatokenti ionksarionniennis tsi sonksarisisahani  
) tsiatak orisatokenti kosa.

Tsini kasennoten kaiatonseratokenti otiake ne tesatoka- taksa tsi tokenske sonksarisisahani Iesos orisatokenti okon- ha: otiake ne tsi aksa raonha Iesos nihotati; otiake sekon ne tesatokatakxa ne tsi ionksasis ioianerenstakxa onksa- tonnhetston; etho seken nikasennoten kaiatonseratokenti orisatake n'orisatokenti kosa. Saton: ionksasis orisato- kenti kosa ioianerenstakxa. Etho nikarihoten aksa tionk- setakon, aseken iah othenon tekahase ioianerenstakxa na- hoten; ne ok tsini iontatis nok tsini ieieranions. Are sahonateneksaheste, are sahonatkentisiokase, tokat oia sonha orisatokenti kosa aonha kati karisanorinstakon, tsi rorisison Iesos, raseron: etho nikarihotenhak.

Kentioksatokenti ionksarionniennis ne iahiheions neksa okonha areko teiakoteneksaheston iah teieiatare tsini son- ksatsennonniatenni Iesos, aseken tsiniiasens neksaha, saon- nakerate iah othenon teiotieren ne aiakotsennonniaten ne iakotsennonniatennitha saontateneksaheste.

Tsini hotiokxa Luther Protestans naieiatoten, aksekon ne saonksanikonhrat ionksarisiioston eiatatake eksa okon ne iahiheions areko teiakoteneksaheston. Raßen ne tio- tierenton rotennosenton tsi iakonnhese karonhiake ne iahi- heions iah teiakoteneksaheston; ne kati raotiokxa sekon  
nonna rontennoenth.

Saontatesnonsaren tsini hatierhakxe ratiksekonne onen sasakotikentsiokase iakorisiistonne. Ne karisakseniio tsi thatsenta Rotkon Roiatatokenti akonikonhrakon iakori- siioston, nok tsi sakoşis iaetoşanen raoianerenstakxa okon

iah nonsa tetsioken tsi thatsnentha Rotkon Roiatatokenti akonikonhrakon, ne rontiatatontaksa kentiokosanen Protestans ronsatiiats tsi rontennosentha tsi sakotiennis Rotkon Roiatatokenti, ne tsi iah tehonsakens onen sasakotienhase.

Iesos Keristos rarihonte ne Kentioksatokenti, raseron aonha tenkaiatorete sesatateronksennike othenon iakorisaien akoienokonha ne ronsasennontion ne Rasenniio tsi-nahe tiakoteneksaheston. Sesatateronksennike kati iorisieritonhatie Kentioksatokenti tsini harihonte Iesos Keristos Are sakorisahonte tsini iakorisaien, are iah tetsiorisatonton.

Tsini hoieren Iesos tsi rarihonte ne Kentioksatokenti orisatake karisaneren, iah tehorisatokenstanion. Akxa sahanaton karisanehraksera okon, ne sahonni sotsi iah tei-ontoka aienrheke; ne ok katokenhaton, saharihonten ne ioterihotasion okon nakarihoten. Tsini horihoten ne sesakoronksennis, iah raonha tehoriša othenon nihoierenhatie; raonha akxa Iesos raiatakseniio ne rorihonte ne raorisa tsini hoierenhatie.

Tsini karisanoron sesatateronksennis, iasetosanen taiontieronnionseke, nok ionaserotakon karisiio sonha iontaterihorentennis, nok oni iakonikonhraniratstaksa ne iakonikonhranonsaks tsini iakorisanereren. Ne kati sotsi ionehraksat tsini hotiieren Protestans tsi rotirisatonton orisatokenti kosa satetsienta kosa nakotonnhetston.

Tsini hasennoten Roiatatokenti Sak Iesos niksekonne Rotkon Roiatatokenti rorisamentakton iontatiatokas raorhraratsera ne tsi sesaterakesatakxa iakorisanereren nok iakonikonhraniratstakxa iakononsaktanionni; ne sakarihonni tkarisaiieri tsi orisatokenti kosa tesanatonkxa iontatiatokas.

Tsi iakotkennisonhonne, sahonnise *Trente* tsi tkanataien ratirisasakonson, etho raiatare Arisasakon kosa. Onen

tsi tehotiiatoreton, ronon : senha iakotsennonniatennis orisatokenti kosa iontatiatokas iakononsaktanionnis akotonnhetston nonksati, tikenha ne ieronke nonksati. Kanekere tsini ionksarihoben ionksarisiioston ne tiotkon karisakseniio othenon satsennonniata onksatonnhetston.

Tsini iontatenonnes tsini iontatenoronksa ne ionttokha iakoniakon iakorisioston; ne satenientenstakon tsini hanonnes tsi oni nihanoronksa Iesos ne Kentiokksatokenti : ne tesatokataksa tsi tiotkon raiataratie Rotkon Roiatatokenti niksekonhatie raorianerenstaksa tsi teionteranekens iakoniakon iakorisioston. Ne tehoiatoreton roiatatokenti Kor tsi ratonhakse : karisanoron kosa saakoniake iakorisioston.

Onen sahatesnonsaren Arisasakon onen etsihenstatsi saonton, ethone tsini iaseta sakotenras ne Rasenniio raorianerenstaksa; ne sahonni tkarisaiieri orisatokenti kosa tesanatonksa n'onen iontaterennaiennis hetsienstatsi saonton San raoiatonserake raton ne Iesos: "Atsisesatienni ne Rotkon Roiatatokenti onka ki ok entsisesarisatonten raorisanehraksera, ense sarisatonte." Sakasennis Kor Roiatatokenti ne sakoterennaiennis ratitsienstatsi, "ne ksasnonnsaren," ratonhakse. Iah sane aksekon tekenne Protestans nahatiiatoten teiontennosenta, ne orisatake onen rotirihotasion tsi rononha nihotirihoben.

Ken nihoieren saharisisa Iesos Okaristiia : sattrakse uia-  
rekse kanatarok, sahaterennaienhase, sahenron : **NE KIERONKE NE KEN.** Ne kati tsini hoieren, tokenske renteron Iesos Okaristiiaakon. Tsi rontennosentha ne Protestans rongatiiats tsi renteron Iesos Okaristiiaakon, aksa ronataharaksen tsi aksa nihoieren Iesos. Nahoten kati sakarihoni tsi ronneron : aiaksataharako? Nok nii ietinaakerani kaneka iakasenontanion etho aiakotahitake tsi aksa iohate.



Nok kaneka iakotaharaksen, akaonha aiontrori nahoten sakarihonni tsi iakaseron : akataharako.

Ronnekskæ arens ne Sitaeronon ne konsatirioskæ kat-senen kenha ne Basennio ronsatesentetasehakæ. Ne are tehonsanoronksaniontha othenon sakotenron ; are ne iakotenientenstakon tsi ronsasenniostha nok oni othenon ronnennitaksæ. Ne satenientenstakonne tsi ronnekskæ tsi akaonha ieatfare tsi ronsatesentetase. Ne kati tsi ii onksarisa tsi rotatesenteton ne Iesos, ne iorihonnihon raseron, aiekseke ne kieronke. Ne sonksatokatenni tsi rasen : "tesesak-nok isesak, ken kaien ne kieronke, ise sesarisa tsi sakatatesenteton."

Sakotiasenratine ne Rasennio Sitaeronon n'aiekseke othenon ronsatesentetase, ne akorisnerahaksera iorihonnihon tsi ronsatesentetase. Ne sakarihonni ne sakotiasenratine ne tsi iahte sesaterakesataksakæ iakorisaneren aotinekxsensa kenha ne akotsenen kenha. Ne kati tihaseton ne Iesos, raseron : aienekirhake n'akeneksensa ; ne rotenientenstakon ne tsi raoneksensa sesaterakesataksæ tsi iakorisaneren.

Ne aksæ raseron Iesos tsini hoieren saharisisa n'Okaristia, raseron : tiotkon ne iakorisiostakonhak tsi rotaseton Okaristiiaakon ; nok tsi kanatarok kenha rotasetakon, raseron : tosa aietsaniseke ne kieronke ; ne kati tkarisaieri tehoiatoretton tsini hoieren.

Tsini haseiennotenne Iesos othenon rohtaraksenne ioterisaseton nahoten, tiotkon ohnaken sakotokatennihakæ ne Ratiksekonne tsi aksæ nikarihoten, iah kati etho te hoieren orisatake tsini hoieren saharisisa n'Okaristia. Ne tesatokataksæ aksæ ethoni karihoten tsini hoieren.

Ohaseratokentike akte konsaterennaienfis kanatarok, akte oni otsitsia tsi raonha nihoieren Iesos; ne tesehiarakgatha tsiniot ne taetesakanerake tsi sotsi rongaronhiakenton, aksa ronekSensariion. IonksehiarakSennis kati Ohaseratokenti rasenheionsera Iesos, aksekon etho sonksehiarakSennitha ok ichasenheion rosenarakSenhatie, ronikonhraieritonhatie ne Roniha. Ne kati tsini karihoten Ohaseratokenti, niate kahaserake rotatesentetonhatie tsini iasenhon sahongario.

Tsini karihoten tsi rotatesentetha Iesos ohaseratokentike iah othenon te iotieren aontoteraksaseke tsini sonksatsennonniatennis Iesos tsi rotatesenteton tekaiasontne. Etho ok eken sonkSaiakhonnis tsini sonkSatsennonniatenni sahongario.

Tsini kariSanoron kariSiioston, iahtaontakariSaierike iahtakentiokSatokehake aioterihontake ne aiakorihorentenniseke nonkSe tsini karihoten akSa tkariSaieri kariSiioston tsi tahnou nientiohkoten, iahtaontakariSaierike ne naontonseke aonha aontiahton, aseken akSa Niio rorihonte aiakorihotasienniheke akSa tkariSaieri. Ne kati aonha ok KentiohkSatokenti ethoni kentiohkoten, akSa kahiatonse-rakSeniio n'oiatonseratokenti ioSennanontha KentiohkSatokenti, Saton: iahtaonton aontiahton tsini kentiohkoten; ioriSanehrakSat tsini iaSenhon sahentiohkSisa nok tsini hentiohkSanonstaton ne SonkSaSenniio, iahte ionthon aia-kotiohkSahtonton. RatonhakSe ne Iesos Tier rohtaranihne: "Ise, Tier, iaSet otstetra tetsitsatsennatieren, iseke kati enkitiohkonnini n'akitiohkSa, nok iah nonSenton tenietsisenni n'oneshonronon." Nok oni akSekon RatikSekonne sakaSennihakSe: "Niate Senniserake enteSakSekonhake tsinenteSatonSentsiokten."

Ak8ekon ne Protestans ionkiri8as8ase tsini ionk8arihoten tsi ronneron oia nii naionk8arihotenhake. Rotitiohk8ison, ronneron : ne aionk8aiena8aseheke aonteri8ahenti tsini hotirihoten.

Raonhaa Niio iatehaiati enhak8eni ahentiohkonna iah non8enton taontiathton, iahtaontakari8aierike n'iah Kentiohk8atokenti takenhake. Ne 8ahonni ioterihonte aiakotsteriste nonk8e. Nok tsini kentiohkoten tkari8aieri aonhaa tsini tionitiohk8arenion ak8ekon aie8enniooke akon8a-ienterhane. Nok sekon tsini kentiohkoten ak8a Kentiohk8atokenti, tkari8aieri iah non8enton taonnitiohk8aton aseken tsinen8e enion8entsiateke eniontiatehton n'iahtakon8a8ennakanerake.

Etho kati nikentiohkoten onk8entiohk8atokenti, aseken ori8ak8ekon ne on8atsiok ae8ennahnoton, etho ak8a nihotioktenston ne Ra8ennio.

